



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1611. usque ad annum 1617

Fleury, Claude

August. Vind. [u.a.], 1777

VD18 90118898

§. 15. Essexiæ Comitis matrimonium in Anglia dissolutum.

[urn:nbn:de:hbz:466:1-67313](#)

Sæc. XVII. Adenum Turcici imperii urbem ad mare
A.C. 1613. rubrum sitam ceperunt, ac spoliarunt.

§. XV.

Essexiæ Comitis matrimonium in Anglia dissolutum.

Rapin Thoib. Hist. d'Angl. l. 18. **H**ic annus in Anglia celebris erat obtriplicem eventum, qui nonnisi diabolica arte, ut inquit Rapinus, excoxitati, atque ad exitum deducti fure: Horum initia erant dissolutæ Essexiæ Comitis nuptiæ, progressus autem novum Comitissæ connubium, ac demum funesto, ac prorsus iniquo fato earum exitum dabat Overburii Equitis cædes. Præprimis igitur Robertus Cæcilius juratus Catholicorum hostis veritus, ne juvenis Essexius Comes cædem Patris sui ab ipso promotam ulturus in ipsius perniciem quicquam moliretur, eundem sibi arcto affinitatis vinculo obstringere nitebatur, hancque in rem Franciscam Hovrardam Neptem suam Comiti in matrimonium dare constituit: nec defuit consilio successus; quippe anno Christi millesimo sexcentesimo sexto ambo nuptiis junguntur: Comite nonnisi decimum quintum, & Francisca decimum tertium ætatis annum agente. Iter agebat Comes in Franciam & Germaniam, donec interim ejus

ejus Sponsa Viro matura esset, inde **Sæc. XVII.**
vero reversus non sine ingenti admir- **A.C. 1613.**
tatione sua Sponsam suam, utpote secre-
tis Roberti Carri natione Scotti, & Regi
in primis dilecti, amoribus irretitam,
usque adeo a se alienam repererat, ut
illa nullo pacto matrimonii usum suo
Marito concederet, spe freta, quod
adhuc intacta eo facilius connubii sui
dissolutionem a Rege utpote supremo
Anglicanæ Ecclesiæ Capite, impetrare,
ac Roberto Carro natione Scoto, qui
Regis cliens nuper Rossæ Vice Dominus
erat nominatus, nubere posset, in hunc
enim Comitissa immodico flagrabat a-
more, quamvis adhuc illius flamas
sedulo occultasset. Tandem vero, ut
a Mariti sui thoro fese divertii benefi-
cio liberaret, Suadente Turneria cujus-
dam Medici Vidua, Formanum de ma-
gica arte suspectum rogabat, ut Effe-
xiuum Comitem ad connubii usum suis
maleficiis ineptum, Vice - Dominum
vero in Comitissæ amorem impotenter
accensum redderet. Paruit Magus,
hancque in rem Comitissæ quosdam
tradidit pulveres in Comitis lectum in-
spergendos: circa Vicedominum vero
sibi soli curam relinqui petiit Magus.
Verum Comitissa, quamvis ejus Spon-
sus, Formari arte nihil proficiente,
ipsius amplexus avide expeteret, tan-

O 3 topere

Sæc. XVII. topere sese ab eo aversam monstrabat,
A. C. 1613. ut Comes amore in contemptum verso
illam quoque suo relinquenter arbitrio:
hinc illa liberiorem auram nacta Carro
Vicedomino suum hucusque occultatum
amorem libere declarabat, eundem
precata, ut conjugii sui dissolutionem
apud Regem urgeret: Hic vero hanc
sibi fortè gratulatus omnem spondebat
operam, suumque consilium soli
Thomæ Overburio sibi in paucis charo
detegebatur, qui tamen ea, qua parerat,
integritate hujus facinoris indignitatem,
periculumque eidem exponens,
illum ab hujus propudio si consilii executione
absterrere, totis viribus conatus est.
Carrus inde graviter offensus,
Comitissæ instigantis furori ac vindictæ
amicum suum immolare statuit, & de-
nigrata ejus fama Regi auctor exstitit,
ut Overburius in Moscoviam Legatus de-
cerneretur: dolose tamen Carrus eidem
Overburio suggerebat; quod, cum ejus
ope ac consortio destitutus haud vivere
posset, Regem accederet, oblatamque
Legati dignitatem deprecaretur: inci-
dit in has insidias incautus Overburius;
mox enim Carus ejus repulsam pro-
per vicaciæ, insolentiæ, & rebellionis agi-
tatæ indicio apud Regem interpretaba-
tur, eumque eo inducebat, ut Rex in-
felicem hunc Virum ad Turrim Londi-
nensem

nensem captum abduci juberet, cum-
Sæc. XVII.
que non ita pridem Gervasius Ellwy- A.C. 1613.
fius hujus turris Præfecturam per Car-
ri favorem obtinuisse, eidemque hoc
nomine plurimum obstrictus esset, ad
eius iussa Overburius tam arcte custodie-
batur, ut miser nullius alloquio frui
permitteretur: Dum interea Overbu-
rius in carcere langueret, Nortampto-
niæ Comes dextere a Carro suborna-
tus, matrimonium Comitissæ dissolvi,
a Rege petiit, eo quod Essexius Comes
ad conjugii usum inhabilis foret, quo
audito Rex, quamvis de tota rei serie
a Carro jam antea edoctus esset, ne
tamen temere quicquam decrevisse vi-
deretur, suis Pastoribus injunxit, ut
desuper Comitem examinarent: His
ad quæstiones de rebus, quæ Ecclesi-
sticos minime decebant, descendantibi-
bus Comes, qui ipfus ab indigna sponsa
sua liberari desiderabat Studiose solum
ea respondit, quæ dissolutionem matri- Annal. Ja-
monii suaderent; quocirca Rex pro- cob. I. p. 3.
nuntiata sententia utramque partem a
connubii vinculo solvit, incassum recla-
mante Cantuariensi Archiepiscopo,
quem tamen Rex graviter objurgatus,
fusæ sententiæ æquitatem ipsius vindicabat,
Archiepiscopi vero sententiam
bonnisi Puritanorum principiis inniti-
edicebat: *Exinde patet, inquit Trisan-*

O 4 thonum

Sæc. XVII. thonum Comes, quam potens sit in An-
 A. C. 1613. glia auctoritas Regis in Judices, quorum
quatuor erant Episcopi, & tres Laici:
 Die igitur secunda Decembris Comitis-
 sa eidem, cuius antea illicitis fese di-
 cabat amplexibus, solemnii pompa nu-
 pferat, Scotis palam per ludibrium
 spargentibus, quod ipsem Rex suos
 clientes edocuerit, quo artificio suas
 amalias Maritis eripere, & sibi copu-
 lare valerent; jam enim Rex pari ratio-
 ne in Scotia Marchiæ Comitis matri-
 monium dissolvit, ut Araniæ Comes
 Regis cliens hujus uxorem ducere pos-
 set. Ceterum Rex eundem Robertum
 Carrum peractis nuptiis Sommerseti
 Comitem creabat.

§. XVI.

Overburius violenta morte sublatus.

Wilson Hist. Initio hoc matrimonio novi Sponsi uni-
Jacob. I. ce eo intenti erant, qua ratione in-
 pag. 73. *Calmet Hist.* noxiū Overburium e medio tellere
Univ. t. 16. possent, quin tamen in necis suspicio-
Anton. Wal- nem traherentur. Post varias consul-
don Cour tationes tandem veneni clam propi-
du Roi Jac. nandi consilium præplacuit: hanc in
 pag. 80. rem Turneria rufus suum obtulit ob-
 sequium, subornans juvenem nomine
 Weston, quem carceris Præfectus
 in captivi famulum cooptare jubeba-
 tur: